

守

柔

齋

詩

鈔

守柔齋詩集序

守柔齋詩集蘇廣堂先生作也或者疑之謂先生文章繁  
節卓絕一時由翰苑轉諫垣直聲震天下讀其奏疏者無  
不仰望其丰采至觀察中州歷任方伯建鉞東河嚴毅整  
肅之概百廢俱興不辭勞怨如先生者誠可謂今之剛者  
矣茲乃以守柔名其集也抑獨何歟余曉之曰世知先生  
之人或不曾讀先生之詩卽讀先生之詩究不知卽先生  
之詩靜審夫先生之人卽先生之人細證諸先生之詩蓋  
守柔之學非純乎剛者不能也今讀先生集中如雜詠雜  
感諸作所謂剛柔相摩旁通其情者耶如出門行路諸作  
所謂剛柔相推錯盡其變者耶如弔古卽事諸作所謂剛

柔節剛柔應柔來而文剛者耶讀至雪中讀易興至輒書  
諸篇益歎心術學術因寄託而益見信乎先生之德秉乎  
中乎柔在內者也先生之才合乎既濟柔得中者也周易  
乾坤二卦乾君德也得天下之至健柔在剛中而見剛不  
見柔坤臣道也得天下之至順剛在柔中而言柔不言剛  
雖然文言不云乎坤至柔而動也剛剛無過者柔知所守  
故也固知先生平日剛大之氣悉從守柔來焉余猶憶視  
學粵東時先生主講越華書院晨夕過從知先生研心於  
易學極深風雅其餘事也嗣先生奉 召入京余在差  
次未克面晤而樽酒論文之樂無日忘之迄今二十餘年  
矣先生宦汴又著有藩寓集行河集有功於世道人心非

淺其經緯鴻才真所謂柔得位乎外者不可與斯集相發  
明乎或又曰先生易理精深天人奧旨何難剖析示人余  
曰是又不然矣孔子學易尙思假年而雅言中有詩無易  
則欲窺先生之易學還於先生之詩學求之余旣默有會  
於守柔之義尤望天下學詩者卽於此求溫柔之大旨可  
也先生或許余爲知言哉是爲序

同治十三年甲戌七月館愚弟全慶拜譔



序

昔鍾嶸論謝客詩興多才博寓目輒書內無乏思外無遺物名章迴句處處間起麗典新聲絡繹奔會余嘗以是移品蘇君賡堂君齒少於余十歲夾溪居相望溪南入江風雨潮汐隱几萬變衆處成獨孤賞有偶君於學敏而銳陶詠尤所好旬月不暇出所作輒移晷讀不盡又益工自始爲詩蓋無日不精進今所鈔特壯年以來三四之一葩蓂藻耀移精動魄抑而按之聲聲見心悲欣往來旁觸遠覽時有所慨隱繫政俗省余前言恨古人不見君也夫才與境接出靜入動矐矐萌折惟變所適變而成方是有本焉得其本則以不變馭至變其變可自持也失其本則以至

變汨不變其變不自知也窮本知變詩人之詩也君內行甚懿外攝甚謹柔色如玉銀手如斷矐華腴寂素履如一蓋有先喜愠而貞粹者頌詩知人繼綵百世不世之才況出吾鄙君年方富遇方始方進於古而達於天下是編以後來境何窮君善持其變矣天下之水獨行而至海者曰瀆西江來萬里合數百源東危灘險瀨無數出高要峽始浩然醜流以放乎海而不以瀆名天地節宣南極之氣在隱顯間也余臥江上老屋如魚鏡尾衡流方羊幽感元思旦夕爲濤聲蕩去不可索木隕水靜萬物孳歛憶與麇堂別登舟賦詩酒罷天際而麇堂自此遠矣道光十五年十月同里彭泰來

守柔齋詩鈔初集卷一 己丑

高要蘇廷魁德輔著

受業何渭校  
弟廷鈞

雜詠

飛鳶無山高潛鱗無水深巧罔與香餌斯人日相尋危機  
豈不悟取侮在貪饒垢泉濯愈汚春冰履輒沉損益基細  
微築隄備淫霖廉恥以養命直諒以保心

舟居狎風濤山居善登陟性情豈懸殊艱險在閱歷夷甫  
玉塵柄安能應強敵偉哉陶士行習勞日運甓披懷起雲  
雷乘危奠枉席自古濟時器窮居練心力洵是天馬駒鹽  
車不爲屈

宣聖疾無稱史遷惜湮滅名爲耳目寶捷足難遽竊大者

若鯤鵬小者若蜻蚋一編入蟲魚永與星河列齊士死讓  
桃魯生謝綿蕤至今亡姓氏開卷見風節天稟有元精保  
之光不絕遠矣千載塗只從方寸決

嵇阮託琴酒高韻千載仰彼遭晉魏間乾坤正板蕩不聞  
廣武歎乃作英雄想土生聖明時任誕顏亦強孫宏老牧  
豕兒寬屈都養經術爲儒宗文辭被英賞風雲亦有會志  
業安可罔窺人夢窞金歡場構萬象何如藝蔬圃猶得薦  
益益三復仲舒言羨魚歸結網

舊井禽不窺寒泉魚不肥欲處清濁間恐受中庸嗤伯夷  
未可學伯始安能爲蒙叟齊物我柱史辨雄雌軒豁露本  
性得失心自知周行直如矢何用嗟路歧



我愛朱公叔愛其絕交論擾擾名利場聲氣浮無根一通  
金蘭譜行路稱弟昆不待相矛時風葉知離翻君章生不  
負巨卿歿相存同心一人在如合江河源仲翔望知已知  
已良難言

同人集彭春洲素來西園醉後作

青眼高歌望吾子杜嵯峨五嶽胸中起拔山梗梓包層雲

伏櫪驩躍志千里陽春白日呼杯來嬌兒窺客重簾開西

江水渴入鯨口明月光蝕張蜂胎茫茫身世鬱不語誇客

且品西園梅煎華鬢夢一回首依依往日金門柳苦惜擇

棲鷓鷯羣欲招訪道崆峒叟春洲出示寄譚康侯農部詩我亦風塵賦

倦遊形容卻顧傲貂裘終歲饑驅走百里名山傳業負千

秋步兵肯與公榮飲北海偏知盛憲憂  
雌伏雄飛各自適與君更酌樂今夕

宿佛山鎮

深夜不成眠春愁入客邊燈標高下市潮挾往來船  
輕別仍鄉國前遊閱歲年斗南星落落顧影一淒然

泊珠江

久別珠江水春光爾許濃雲留海幢樹風落越山鐘  
杜牧歡情異嵇康睡態慵南園人不識無地展遊蹤

春夜宴

七年不作羊城客意氣場中少相識偶從金谷醉劉琨  
得似扶風逢太白江海頑雲凍不開此間花發春何來解

天工爲狂客一花須酬酒一杯雲母屏風護春影鐵鳳無  
聲燭光靜縱談不諱馬臨池愛客翻教帽投井綠酒易盡  
金屈卮朱顏難比博桑枝飛鴻巢燕來有期明日清霜侵  
鬢絲十千取醉君莫惜身後安用錢刀爲君不見越王臺  
昌華苑白骨蒼苔天不管那知海水有揚塵今夜潮生大  
江滿

旅懷寄朴仙姪

應元

客舍紛紛落晚梅潮聲朝暮送愁來雪餘山色歸楊宅日  
下春光到漢臺  
鳥儘知高樹託名花偏愛後時開  
閑居奉母君堪老猶勝備書只費才

花朝

春夢難尋酒易消蝶慵蜂鬧判今朝夜來曾把殘紅掃不  
與東風見寂寥

復寄朴仙

積雨初晴草徑開翩翩白袷步蒼苔日銜珠石隨潮落風  
過花田帶蝶來到眼只驚春是夢燒胸難把海爲杯此中  
不少山王貴那得林間小阮陪

河南竹枝詞

十二珠簾日暮開新妝花簇鬢雲堆生世不知離別恨一  
巡潮水快船回

玻璃轎子綠紗遮昨日花朝去看花撲得一雙大蝴蝶小  
鬢扶過素馨斜

龍洲巷口海珠邊  
楊柳青青繫畫船  
三枝伽楠兩元寶  
金花廟裏卜金錢

百鳥啁啾春氣暄  
平臺曲榭綠陰繁  
遊人日斜自來去  
誰家買得好花園

早起

燈影明殘夢人聲沸  
早潮微風花露泣  
落月柳煙搖宿蝶  
春添恨流鶯語自嬌  
想從揮袂日相憶  
到今朝

貧女篇

天上十五月人間十五女  
過時損光彩諒節徒自許  
女生本貧家性命託機杼  
精縑滿筐篋玉體泥麻紵  
東家嫁女歸侍從  
塞門戶鴉頭列珠翠  
鵠立伺仰俯眩座繡衣裳  
半

出手中縷少小兩無猜會面一爾汝芙蓉不知寒松柏不知暑醉飽或調飢相視殊肺腑

主人爲作西洋筵卽席有贈

珠毬紛挂星垂芒百花環坐條風香玻璃盛酒琥珀光銀  
文銅鼎燒羝羊麪龜雞饊破塊嘗妖童妙舞氍毹張畫鼓  
一聲進一觴主人稱壽樂未央鳴鐘番奴奏宮商應時拍  
翅金雀翔杯停點茗分旗槍此間賺得春宵長東隣翁媪  
展糟糠白首不識膏與梁壯士擊案歌慨慷盛年沉醉留  
他鄉

楊枝詞

玉燕金蟬翡翠翹屏山一箇掩春嬌東風只戀閑桃李不

管垂楊千萬條

斜拂紅樓映綠波  
雲凝雨膩澹煙搓  
浪傳通體能傾國  
觸著春風絲緒多

碧草連隄野蝶飛  
赤闌橋畔日依依  
愁眉不展春山暗  
盼斷驪駒歸未歸

白絮漫天風未停  
鏡痕點碧嫩萍生  
木棉百尺花如火  
照見殘春一片晴

東風

獨與東風語春深  
不憶家一鶯啼  
午日羣蝶聚孤花  
山色湘簾入簫聲  
錦幔遮台遊行處  
好煙月是年華

客至

向曉東風急扁舟正欲歸酒中逢客至春半有花飛釀蜜  
蜂偏靜隨人鶴不肥相歡拚一醉莫待壯心違

雜感

青陽聿云暮幽花方懷新獨表荆棘中充佩宜美人  
見無時馨香誰與陳離披不自惜恐負雨露恩爲君結嘉  
實歲晏登玉盤莫剪當門蘭同類爲悲辛莫植苑中柳秋  
風易摧殘

宋石一逢時價重明月珠亭帚足自珍千金亦不如貴賤  
無常局取舍無定塗江翁譏狗曲王生辨驪駒豈謂經術  
士意氣徒區區感此坐嘆息大智當若愚

升高勿反顧陟遐勿卻步取道心不專驚疑委中路材秀



有時出蓼鏡成磨鑄意扭耳目前矜奇據陳故途暗一  
迷精沉九州驚懷腐無由香得師日開悟

釣魚不設餌取適非爲魚讀書不求解得意非在書物理  
今古同事變前後殊一撥眼前翳照以胸中珠賈生與諸  
葛何必爲醇儒

陶朱善晦迹白圭誇治生鷲鳥猛獸心詭託仁義行程鄭  
迷諸孔藉藉富世稱子長本厲憤反重責夫名遂令砌  
器下與馴僧并奸宄競錐刀汰侈法網嬰不加諒俠傳猶  
有出羣英

海邦富寶貨大戶資豪奢千金一歌鬢百金一叢花輿儂  
贗芻豢侍婢賤綺羅貨緣託青雲氣欲凌丹霞豈知金玉

堂百鬼以爲家敦朴化以儉厲平遺愛多

陸生定百粵歸受千金裝示彼漢使尊豈與清操妨寥寥  
經綸才擾擾寶玉鄉誰還合浦珠誰投海南香可憐媚川  
郡增置貪泉旁英英孝肅公一硯擲西江至今芳洲上歲  
時薦椒漿大府懸冰壺海波庶不揚

徐甲御青牛頂靈辛通靈蓬萊多仙子此輩蟻蠓輕遊戲  
到人間禍福肆憑陵上界官府嚴鞭笞有常刑月宮斫桂  
者辛苦近千齡未覓浮邱伯何知安期生

誰謂凶年穀不如豐年玉玉爲富家珍穀飽饑人腹蚩蚩  
世好殊無心辨種稔穀平寄汝命力穡望秋熟玉乎莫經  
投恐遭按劍辱

惜春

晴日當花熱春風引柳顛  
盛時行樂耳孤館坐蕭然  
氣斂青萍匣歌思錦瑟絃  
物華同晚晚搖落易窮年

夜

參旗西轉挂簾鉤  
獨立涼階夜似秋  
風過雲屏花影活  
泉鳴石鼎茗香流  
江城萬戶沉魚鑰  
蠟炬雙行出翠樓  
歌舞未終殘月上  
天雞已唱海東頭

哭月查姪

應祥

抱璞人歸黯自傷  
無端噩夢斷離腸  
險辭采石騎鯨客  
姪丙戌出京得惡夢過洞庭遇風舟幾覆  
空覓蒙山脯鳳方  
子美招魂勞剪紙  
維摩示疾靜焚香  
那知雞骨支牀日  
風獵菑蒿泣路旁

社燕初飛埋玉時，珠江風雨赴書遲。  
投篇句愛溫岐豔，行  
中有姪入夢心憐衛玠羸。  
似聽承塵來怪鳥，況經廬墓感  
駟狸。隱憂耿耿重泉閉，欲問巫陽恐未知。

久雨

花落人何賴，春殘雨未停。  
江浮簾幙白，草隱蕙蘭青。  
長日啼饑鳥，深宵聚溼螢。  
濁醪難強醉，愁思已沈冥。  
苔滑蝸爭出，枝深蝶暗藏。  
芭蕉連夜展，竹笋對人長。  
詩卷消三月，年華滯一方。  
望晴知未得，鄰院故調簧。

春遊

園枕清江接翠微，降王此地剩芳菲。  
乘潮喚渡匆匆過，冒雨尋春緩緩歸。  
一簇桃花攔路出，誰家燕子趁人飛。  
歌樓

焚香無相識掃地焚香又下帷

寄家書

寒溫惟夢首騎泊與貧長不稱充閭意翻勞負米望鶯花  
空過眼日月入迴腸海燕春無限將雛瑋瑋梁

與友六第二首

天工不授業自藝尊其師嚴憚在方寸神采生四肢初學  
弟子職禮數童習之今聞夏楚威乃忤富家兒材美拒斤  
削良工安所施經生恥素食况比嗟來時

鶴鳧各成性鵬鷗同一天天生物不齊適性歸自然逍遙  
漆園叟掉頭軒冕前士窮貴得已失已將何傳詩書託吾  
命衣食隨世緣且尋泌水樂勿賦北門篇

題米元章拜石圖

巢陽仙吏折腰時祇有飛星化石知一事調君應失笑袖  
中輕易獻瓌奇

海岳名齋要是狂奇章甲乙費平章竟同尤物能傾國誰  
敢宣和花石綱

故鏡

蘭闥照夜月仍圓萬劫寒灰撥眼前能使紅顏無白髮壺  
中何事說神仙

西溪行

九天雲垂海波立老龍欠伸雷雨合一夜金隄貼水平萬  
山銀竹排江急牂牁建瓴勢莫當尊關飛渡驅鈴羊忍使

黔黎作魚鼈直教陸阜浮杠梁唐虞平世有饑溺自愧許  
身非契稷廿年幾見洪流災百室惟聞草根食我今留滯  
珠江南傳說沈舟日兩三登高遠望駭精魄白浪突湧山  
嶄巖因思飄泊窮簷古編篷架竹棲兒女顛天誰抱鞠人  
心此地猶喧賽神鼓安得五丁生世間持斧爲鑿西南山  
分支入海快宣洩下土反宅蘇惇鰥宣房塞兮漢皇悅近  
歲竹薪茂條檠文命由來明德長北河莫比西江決

聞陳台垣同年

星禮闈報罷

不辭風雪往來頻七十於今老斲輪槽櫪難馴千里馬門  
閩時倚百年人途窮淚與黃金盡氣結文翰白髮新南望  
飛雲歸計迫燕臺回首又傷神

夏夜

淺夢聽潮覺微涼繞竹行月華昏水氣風力稱人情高樹  
一蟬警遙空雙鶴鳴離居既多感又逐見聞生

行路難

百川之水晝夜流人無清濁勞不休撫節高歌行路難一  
日踴躍思千秋山王嵇阮共杯酒絕交敗意言不慙富貴  
若能屈志士泰山應逐洪濤浮

明月之珠不以逐六七寶之刀不以刈穀虎豹變化當遇  
時豈有文章傲流俗五月披裘呼拾金季子失言老翁辱  
平原結客三千人毛生處囊儼碌碌眼前物色少真賞何  
况萬里通眷屬



游閑公子聲氣多繡鞵金絡聯轡過牙盤供饌宴清夜龍  
鏑瀉酒傾黃河楚絲輕撥碧雲落朱櫻齊綻相和歌平生  
持籌積鞅掌一時行樂無蹉跎無蹉跎萬事足笑爾東西  
南北人駿馬如龍歸不數

畫船載酒寫我憂中有美人彈箏篌聲情宛轉不入意望  
望江心雙白鷗雙白鷗長相隨如此風波爾何知世路雖  
云險覆舟之下無伯夷

皓月欲落白露零朱樓垂幔燈熒熒裴徊庭外夜過半微  
聞思婦愁嘆聲借問思婦何所苦良人行賈事遠征去時  
遺我鴛鴦錦翡翠繡帶金瓊夾通天犀釵木難串十載委  
篋塵土凝昨來客寄一紙書昔在漢廣今秣陵關山脩阻

歷寒暑憐君流宕涕縱橫我感此意不能寐人非禽獸誰無情

野鶴巢林憂燎原旅舍願得牆宇堅牆宇之堅不如主人賢芻苗起病馬沽酒娛客日千錢楚王敬穆生置醴穆生前一旦忘設醴穆生返駕無少延黃金可作世可度人生何復苦行路

狂歌行戲星命者

黃頭郎君鑄蜀山餓死不得名一錢牧羊長者陳輸邊竊取卿相明主前人心巧拙命亦異集枯集苑非徒然力田善賈有餘食寡欲引氣多高年若云位置真宰定林甫骨相應神仙丈夫置身天地間榮華坎壤同雲煙子雲逐

不解事貧非我輩誰爲傳勸君莫究三命說季主遺文重  
史遷

夢與春洲遊所至峻絕非耳目境快然有述

凌虛覽元化九州不在外東西日月馳俯仰天地大異香  
蓄雲氣遙音遞風籟續紛萬影眩雜還衆靈會翩然挹夫  
君連襪接巾帶和歌金石奏永嘯螭鸞隊爲指來塗惑莫  
辭生世隘勺波具滄溟卷石攬青岱靜照理自超俄頃閱  
人代古歎馳夢魂塵土付一嘅

畫虎

雙睛如燈尾轟轟猛虎坐林視飛肉簷前鵲噪風吹腥乖  
龍挾雨飛前楹張鱗拳爪勢相角熟視乃向空中行嗚呼

封使君氣餒能驚人畫者豈是裴將軍射虎十百傳虎神  
泰山之婦倘見此碎裂皮毛詈佞鬼

寄陳愚谷

堯桂源第二峰精舍

朝沐松下露仙液迴鬢蒼夜眠石臺雲江氣侵肌涼棲幽  
屏妄跡諸天闢妙香時繙貝葉書悟徹真源長涉有月留  
影鑒空水涵光愧非同懷客頗遺物慮忘寂境昔游踐願  
言追翺翔千峯薜蘿衣五字瓊瑤章會因秋風夕吹夢來  
君旁

六月十五夜翫月

江月無端墮客前葛衫蒲扇與周旋搖搖樓觀潮來處澹  
澹星辰雨後天照向中闈先夢到看從今夜待秋圓梧

百尺樓孤鶴遮莫吟聲攬爾眠

種菊偶作

菊晚新苗帶雨移無論晚節意相宜朝來枝葉猶憔悴想見淵明乞食時

憶鶴行

庭外竹竿挺疎節庭內詩人抱窮骨招來雙鶴形翩躚如竹可愛人可憐倚竹狂歌鶴爲舞傾情寫意成竇主江城萬戶紅塵多竹間差喜無罽羅昂藏未屈凌霄勢月午風高數聲唳交少孤山處士清夢無淇水乘軒貴一朝翻成摩碧雲眷粉留詩惟此君往日池亭借顏色從今雞鶩誇精神八表翱翔爲誰下三清好逐仙真駕故人磊落絕恩

私莫效野田黃雀謝

晚眺口號

江上烏烏黃雀風遠帆天矯去如鴻連雲樓閣迷南北只  
有青山入眼中

夜坐

碧空斂纖雲素月寫羣影龍尾暗西轉參旗儼東整風柳  
疎螢流露梧宿鶴驚欣戚物自喻予懷更誰省明河睽靈  
匹縹緲天衣冷捐珙交悲歡回鑣悵俄頃死生有情別神  
仙定心領孫楚婦服除莊生蝶夢醒孤羈怯夜寂三商逾  
歲永秋聲何茫茫人海嗟汎梗

寓目

朝來涼雨洗仙城，簾幙千家夕照明。  
芳草猶含春夏氣，寒蟬忽變短長聲。  
滄夷舸艦颯風至，江海珠璣待月生。  
擬覓錢刀爲大買，不知何處有仙名。

登越王臺

不見騎羊五老仙，防身一劍影蕭然。  
羅浮出沒層雲裏，江海澄清落日前。  
南漢霸圖餘鐵塔，西洋貢道接樓船。  
盤盤歌舞岡頭樹，曾閱昇平二百年。

秋夜放歌寄懷諸故人兼示舍姪朴仙月樓

維熙

東望不見羅浮仙，西望蒼梧雲氣連。  
南溟龍伯睡鮫室，斗樞北揭高高天。  
天高安可攀，四顧慘客顏。  
平生交遊有豪傑，幾輩數奇生。  
計拙不辭飄泊等，浮萍共詡孤高學。  
明月

陳雪漁

彭春洲

糠粃章句儒窮愁垂老思著書玉筍班頭

有區冊

靜齋

負米將母身忘劬有人捧檄方馳驅鄜州從

事譚大夫

非石

古岡逸才後山後

陳笏

燕臺歸馬鞭珊瑚

青衿白首事鉛槧瘦狂太瘦

何星查

愚谷愚

陳君子昇

手握靈

蛇珠

溫陶舟

養疴講學城西隅迢迢一水限來往況彼數子

山川殊山川殊歲月速蝴蝶黃時園橘綠燕雀羣飛笑鴻

鵠丈夫生世何刺促感逝傷離亂心曲長吉空留致酒行

李嘯

虎兒早赴脩文錄

舍姪月查

入江湖汐有迴流別樹華蕤

無再馥宋玉悲秋太白譏仲宣作客不相宜莫云高志局

四海但願巢林棲一枝呼羶鶴

月樓

招抱朴

朴仙

和我懷

仙歌爲我彈素琴長溪一曲傳清音風流更有傅休奕

玉



舟形影不愁商與參胡爲流宕異鄉縣菊芳蘭秀時沾襟  
君不見珠江風月美清夜極目故人秋水深

傅玉舟

理光

來訪信宿話舊有作

長溪入西江合流無向背總角定君交疎狂得君愛初生  
松柏性夙具風霜概弱冠獵文圃衆芳結長佩形愧聯車  
潘輿竊同郡戴摩鋒萬夫勇懷璞三別退頻年饑驅追客  
處神思痲星離感參辰節換忘朔晦似知羈鶴愁來及寶  
鴻會乍喜病顏失靜與秋月對鏡窺髮蓬葆酒澆胸壘塊  
置身甘後時違俗自故態珠光不藏塵玉屑方下礎機緘  
證新獲斧藻芟餘穢養材匪朝夕蓄意關遠大期君羅浮  
巔平視恆華岱

寄贈溫陶舟

繼

襟抱明光紫玉簾，盛年流宕病愁兼。  
久拚心力研經苦，微試談鋒論古嚴。  
寄廡曾無家四壁，賣文還斲字三兼。  
江城相望秋風裏，古寺宵寒月入檐。

中秋

半醉他鄉夜，中秋小雨天。  
金堂留客冷，壁月背人圓。  
尋夢疑將曉，追歡可隔年。  
青燈花爛漫，只解照無眠。

十九夜偕玉舟待月時玉舟將歸兼呈春洲

萬古一明月，獨與中秋宜。  
中秋月無光，風雨乖素期。  
及茲夜深見，已異團圞時。  
良知重契濶，嘉會憂將離。  
一氣沉壑分，相失望壑思。  
庭前碧琅玕，交柯兩因依。  
余腹置君心，伯

蓬華仲篋古歡曷倘阻往夢符容儀容儀共衾枕莫苦驪  
駒儻努力愛盛顏姑酌金屈卮

君歸訪酒徒隔江紅蓼居爲余致殷勤莫惜多寄書昔余  
萬里遊結交此土無此土棄草澤濁水含元珠逃名鑿坏  
外肆志憂生餘西園風露深清輝抱影輝長嘯聞天關高  
瞻隘寰區三月不相見孤蹤若爲娛秋林倦翼棲野草駭  
羣呼寒蟾爲誰鑿坐此迴腸紆

辨上人石琴詩

上人新州人

老僧與佛共桑梓齒牙泠泠瀉秋水石琴橫座長於僧海  
外移情眼前是神工戲割于闐璞宛出雷家巧確斲仿古  
應名混沌材卽今不數璠璣樂禪門靜抱忘知音紅塵對

此清我心參至南宗無一物風旛縹緲香雲深

友人爲余述所聞見有可歎者要余賦詩事非一時

故章無倫次義存諷諭庶幾聞者足戒云爾

嶺海風清坐嘯秋身兼三組漢諸侯瓊筵爭賭鸚鵡錢錦  
段多歸翡翠樓傳道建威臨越鎮何勞執憲告交州龍驤  
酌水題詩處鳧舸揚旌訪古遊

蓬萊仙吏舊知名任達疎慵洵有情力拯魚頭勞障水生  
來猿臂善談兵陶公巖運分陰重桓發金輪博戲輕錄事  
錢家多俠客溷翁華髮念蒼生

李郎年小擅歌場日坐朱門燕寢香花下濡頭逃酒令燈  
前假面學談孃鴛鴦鎖絡殘蕤結琥珀鈎生的燦光會

東山絲竹意勤君行樂莫相忘

十丈紅塵暗醉鄉  
陶頭歌舞惜荒涼  
何來日下埋輪使  
驚散春風結客場  
漢殿果應冠獬豸  
多坡山不久駐仙羊  
口碑今比閩羅老  
當日誰陳借寇章

專城迎入泰娘居  
茵母分張紺幃車  
春雨泥愁花別樹  
秋風斷夢葉題書  
填橋未省酬烏鵲  
垂餌翻教困白魚  
三十六江樓下水  
可堪流恨滿歸墟

輕費真珠惱復憐  
綺羅叢艷度華年  
攀追石尉能文友  
菲薄何家置食錢  
眼底好花迎意換  
懷中明月逐時圓  
紫標紅榜風沙散  
才覺人前歎逝川

旅懷寄區靜齋

慕濂

采菊紉蘭節暗過客懷爭得不蹉跎牀頭金與秋花盡囊裏詩同落葉多勤苦易成思稼穡登臨無和憶羊何江城小閣經年別誰溯潯川聽棹歌

悼姪孫

起蛟

憔悴三秋折上冬青天難問九關重不傳楚玉連城價遽

缺干將出匣鋒園吏盆歌空作達

起蛟失偶在百日前

步兵琴酒竟

無棕

謂朴仙

紅蕉閣外春來恨總使鄉閭爲罷春

月查姪奴於春仲皆

族人所愛惜者

結交行寄陶舟

種蘭不許生邪蒿鑄劍那得資屠刀男兒結交有本性羅浮一合天南高才名爭道韓陵石悔十年前漫相識一夜

秋風颯對牀攏雲靚月開胸臆古人氣誼膠漆堅今人因  
依桃李妍把臂傾心脫手忘空指白日當中天知君莫過  
彭子陽謂春洲謂君言直詩筆狂愛君莫過陳元方謂台桓謂  
君獨行傳異鄉我願交君始二子乃今遂駕龍媒行貧賤  
相看贈何物終此身窮志不屈買絲莫繡平原君但繡豫  
章雷與陳

題洛神圖

高唐神女諷荒淫洛水通辭亦此心銅雀秋風歌舞散西  
陵墓樹起哀音

秋菊春松絕可憐黃初空附感甄年誰知南漢風流事貌  
得蟾妃扇子僊

守柔齋詩鈔初集卷二

庚寅  
辛卯

高要蘇廷魁德輔著

受業何渭校  
弟廷鈞校

芝蘭歎

今年花事一何速正月爛開紅躑躅去年冬臘天氣和自  
秋不雨江無波茶畦麥隴坼龜甲枯井只見泥鰕多種花  
之家聚游手百錢買水如買酒曲徑鋪青絕點塵高闌灑  
雪承輕帶紛紛豪少仙城西開春賞花色色齊綠蛾自添  
雙鬢媚遊檻不惜千金揮嗚鳩忙殺蝴蝶閑遊人三兩來  
花閒見說農家有饑色賣花卻得雕盤食

得朴仙書卻寄

別來惟恨寄書遲尺素緘愁慰叔癡日校巾箱三兩卷奈



君忙甚是閑時

大江東去想宗風不數新詞柳七工四十年來憔悴意誰  
聽流水出枯桐

新晴小飲

煙雨初消晝景遲湘簾風動碧漣漪芳心處處梨花發  
况年年燕子知闌澤傭書差得計揚雄箴酒恐非時日車  
翻卻春須老遙對松山盡一卮

答靜齋書

靜齋去臘悼亡  
今春就館折會

春風吹來雙鯉魚尺素喜是湓川書披緘細讀語悽測行  
問淚迸鮫人珠旅館陰森坐如夢兩年對酒無君其怨  
桓山別子烏驚摧樂府將雛鳳憶昔相從戊子秋悼亡

岳爲君憂嬌兒失母幸無恙續絃膠已來麟洲不謂命途  
君更舛七十衰親翼遺卵安知憂患非玉成好斂英華入  
銀管星光作寶劍篇郭公逸駕前加鞭傾河倒峽有餘  
地追風逐電無遙天勝國文宗海日子三百年來耳孫起  
與君旗鼓怯相當示我璵璠况能理來書屬訂詩草擊缶之歌君  
莫悲只看身上密縫衣此詞一寄遙相憶瞥見伯勞東向  
飛

春曉曲

曉風吹衣嫩無力凍破梨雲見春色黃鶯恰恰嘯高枝知  
爾多情今爲誰花底韶顏惜芳節鴛鴦夢醒溪水裂東西  
樓閣珠簾開已有賣花人過來

表兄歸自南寧述余外舅問訊甚悉悵然成篇

粵西天險崑崙關雲峯影落烏蠻灘彭郎去歲客遊此欲  
覓錢刀得山水歸舟訪我江館來花底共酌玻璃杯酒酣  
傳道親串語棖觸往事悲難裁博翁相期總角日嘉婚申  
結膠投漆十年兩地隔清塵別鶴離鸞歎空室小兒天性  
識外家學語便指東洲沙翁時久作邕州客垂念遺雛淚  
沾臆因君邂逅訊平安憐我浮沉生感激丈夫幾許國士  
知窮途懷舊多哀思海潮不到三江去東望應歌前日詩

外舅西上時索詩贈別嘗從  
玉舟處取余舊作數篇將去

晚望

歸鴉忽動倦遊心芳樹蘂蔥倚越吟少日風情詩外減故

歸春色客邊深琵琶洲暗聞歌響鴈翅城低入眼陰不獨  
離憂自憫悵越黛莫苑幾升沉

瘦鶴行寄月樓

瘦鶴瘦鶴生青田元晴高鼻霜毛鮮願按鸞皇遊九天雲  
羅一觸聲淒然潭阜瑞粟落溪水悄伏幽叢那得此吞聲  
不食雞鶩餘病翻雛雛飛不起桂林翡翠光歲蕤龜茲孔  
雀金屏開白玉堂前動歡賞比爾藻質皆凡材應節舞吳  
市嘲珠感諧琴知爾獨抱清迥之明心耳目近玩憂難任  
使我一見涕沾襟鶴乎人間何處逢噲參激風直到三山  
峯相報豈但干黃金

送春日作

一春不逢三日雨轉眼春歸無處所江深海闊蛟龍蟠何  
日雷車爲追取帆檣影接朝漢臺闔閭傳洋米來窮陬  
下邑阻回易富家高廩封賈財布穀聲乾耕不得典牛糶  
糶謀朝夕頗聞萑苻羣盜嘯無使鋒刃饑民識况融司方  
氣如炙清明風至勾芒謝光景流連想去年郊原索莫驚  
初夏燒痕遍野草未青五嶺周遭夕照明欲進杯觴遣愁  
思何須客子念蒼生

新闢飲假山下戲題

奇峯層疊夏雲生飛落樽前勢未平海上蓬萊仙夢穩不  
愁驚濤戴山行

西洋人汗得能漢語略解魯論文義介通事楊某

余問字歌以紀之

宣尼木鐸代天語一警愚蒙萬萬占

聖人御世入荒集同文遠被西洋買窄衫高帽款門至碧  
眼停觀若心醉誰教奇字訪揚雄豈購新詩識居易通辭  
不減葉河王就書魯論三兩章自言孝弟是吾寶更慕有  
朋來遠方曰本朝鮮重文籍於今益知素王力鯨鯢穴伏  
溟渤青翹首神州日華赤在昔康熙正三統象牙龍腦  
珍貢節度爭稱汧國李都督時來廣平宋島夷懷德二百  
年樓館鱗比城西偏中朝不改旅葵冊絕域應焚亞子孟編

世國  
粹文

觀技作

八尺長杠鼻端舉當風不動兀如柱一人導前胡旋舞一人逐後搨腰擎舉杠者行暗不語忽然杠動側頤拄兩人接杠肩架之仰足倒掛拳凍狸翻身斗作猿子嬉烏辯若挽轆轤絲手自引身身不知萬人喧呼海波湧都盧尋橦空爾爲吾聞抽身之力山可拔屏風上行鎖子骨今汝此技非其倫趨捷或過鴉兒軍餓鷹在韝得食馴醵錢溢篋酬苦辛但無吳中草聖張長史誰悟筆勢一髮懸千鈞

謝易君山畫

寫澗水空山道柴門老樹邨詩意

何處移來山水窟山陽人家春氣活細流石激寫琴心古木雲歸潤龍骨少陵詩境今有無易老卜築桃源湖中魚鳥樂相樂意愜勝憶羌邨居不樵亦不漁能醉復能醒

身似喬松日遷影繁華過眼冰雪冷門外紅塵萬竹遮林  
間清夢孤蟬警興來落筆天機精直使李范豪端生炎熾  
灼人汗如雨傾耳忽到風泉聲長溪之曲草堂在對此我  
亦思揚舫不然徑訪桃源去酒酣掃壁書長句邀君更畫  
羅浮圖著我丹崖最高處

端午日泛舟遊唐荔園

蒲觴一醉天中節畫船來往波紋縵十里青樓駕海風四  
圍白葛飛江雪城東濠至城西門遊人如織繁吹喧柳波  
涌裏頗清勝訪古來過唐荔園園環綠樹荷千頭玻璃照  
動明妝影涼生雲幄坐頻移飽啣天漿酒初醒鄭公賓客  
唐老儒曾陪旌旆園中趨不數紅雲設宴日漢家但有留



仙裾芳華廢苑今何在夢微風韻垂千載空憐花塢半塘  
存難得丹砂錦洲探曹夢徵詩有樹上丹砂勝錦洲句事殊興極彈指間  
昔人陳迹後人歎結君續命絲千縷誰似奚囊九轉丹

節後夜飲新月下作歌寄眷洲

脩眉窈窕天開鏡未麗風香夜光靜停杯不語幽興生玉  
蟾對影心空明猛然濡筆題粉壁古屋精靈暗辟易昨日  
龍舟爭錦標金鼓聲動江迴溯一時勝負視壘壘自古飛  
騰思鸚鵡君不見議郎文鋒起南越此地曾飄洛陽雪炎  
靈劍璽光久滅孝元宅樹今能說人間俯仰三千年松嶺  
幾閱豪華遷手中醇酒非夢幻襟上澹月相周旋歡來恨  
少同心子坐憶西園老名士招涼石畔應未眠高誦離騷

瀉瓶水安得黃鶴迎君來飲君木瓜三百杯

漫興

客心無一事物候頗相關雀變風移海龍分雨界山玉蘭  
榮夏萼金菊誤秋顏

時二花並開

自古災祥志傳聞略百蠻

贈別盧孝廉

家駒

盧子神峯峻瘦柏飽霜氣賦詩不求工輒與古人契興酣  
一揮霍榛菅擢蘭蕙冷面寬所諧雄心素難制規以柱史  
言廣以南華意完角思祥麟鑿蹄得馴驥平生獨余屈此  
情感君擎風送江門潮雲開富山霽君歸莫相念且作銷  
愁計得酒萬事休多書醉鄉記

漱珠橋酒肆聽明五竹枝歌

荔枝紅深蟹黃熟銀瓶傾注浮梁玉孫楚登樓欣得朋馬  
周入市空驚俗窗櫺扇扇雲母開西風送雨蒼梧來一聽  
江門竹枝句壓酒恨少朝霞腮明叟才華豔溫李越羅吳  
綾蜀都綺誰教珊網失南溟自弄玉笙傳北里芙蓉澤露  
秋蘭香昔君酣醉江月涼墨花春動珠串光丹櫻度曲聲  
斷腸纏頭未收報明璫誇道太白憐昭陽東流之水朝復  
暮波蕩比翼雙鴛鴦人生快意真多得風雨將殘天異色  
君不見後來新婦今爲婆白髮青衫君奈何

匡山歌

海風撼天天欲泣颯颯靈旗踏波立趙家未造殊可憐萬  
古忠魂此山集錢塘水涸白雁來天南片土宮殿開行朝

草莽列軍屋龍沉醜沒荒蒿萊半壁江東誰鑄錯此山直  
欲卑五嶽閩廣不支大節同正氣歌聲動河朔永福疑陵  
今蔓草淚盡星塘馬南寶二城邨墓遙相望景炎野史悲  
遺老卽今三傑日月光紀功一任淮陽王北元膾有奇男  
子不負金山負應昌

明五山水圖歌

鴻雁南飛江水寒疎林影露千翠鬢使我披圖動秋興如  
坐吳越扁舟間抱琴僊子丹駐顏行聽淙玉聲珊珊移情  
識曲兩難遇南風妙手因誰彈看君雙鬢如秋菅意氣乃  
比胎禽開不畫蘄巖畫平遠欲令世路無阻艱人傳蝸角  
爭觸蠻豚餌鈎取專車鰥置身千仞矚萬里夢裏恆岱何

從攀穗城煙樹鴉噪晚尺白雲失高蹇筆下丹青邱壑  
深就中想得逍遙館年年奔走負青春我輩定是蓬蒿人  
金剛肥時桂酒熟遲君命駕長溪濱

爲侶竹題扇

珠簾十里夢揚州輸卻司勳壯浪遊身似浮雲無著處憐  
他團扇未知秋

跋黃魯直和子舟詩卷真蹟

蘇黃詞翰兩勍敵高蹈一世身名危江西宗派在人口墨  
妙亦有神靈司眼明見此雨初霽想得揮豪江閣時瘞鶴  
銘是大字師浯溪更讀磨崖碑金丹入手骨已換氣息內  
視千歲龜明光草制要此老蠻江謫置誰所爲羣奸豈受

禹鼎鑄至性只合眉山知綠荷菡萏無晚節黃菊拒霜多

苦姿

用詩中句

清商颯然動紙上營營粘壁不敢飛丹邱仙人

妙品藻崑山片玉桂一枝

柯敬仲跋語

空勞仿像夜繼日羣馬

當驥雄後雌自成一家人力不足隨君作計遭君嗤翰林評  
書頗貴肥君乃瘦硬通於詩忽逢佳士失交臂客位下榻

幽林思

漁人鵝蚌圖

飛潛何事角雌雄悟到彫陵一笑空椎碎驪珠同瓦礫世  
間須有緯蕭翁

秋夜

纖月淪素彩疎星泛秋碧中庭步屣徐仰觀何歷歷太歲

宿南斗熒惑離東壁寡學昧禩祥心賞精光射珠浦撼橫  
飈桂海納歸汐寒響中夜警竹叢助蕭撼竝抑羈旅歡一  
會塵憂積徂景蟻旋磨浮生駒過隙智斂得內照物遺祛  
外逼且甘高枕眠明發將有役

答靜齋

別久翻無夢書遲爲暫歸秋心終不遠傲骨可能肥江靜  
魚龍螯簷深鳥雀依杜門佳節逼望望月增輝

寄贈陳文學巨

柯山富材木孤芳擢危岑陳生靜者徒秀發青青衿齊物  
多闊論獵道無虛尋澹然冰蘂中時託陶韋音寒潭受秋  
月流翫清人心坐持獨繭絲欲引橫江鱣風濤競疑古志

迂難視今霞珮招散仙青峯白雲深

江泛

一葉凌秋意渺然日斜潮靜翦江煙簫聲驚破閑鷗夢疎  
柳叢遙露翠鈿

海石硯歌

謝玉墀

丹鳳

購得古硯於羊城故家使余名之余

諦視硯背物狀若波濤齧成非由人工名之曰海石

水巖斷硯九淵下驪嶺摘珠擅高價海石天成采藻奇風  
流合付南臺謝堅如劉公百鍊鋼靚如徐妃半面妝英英  
蠟梅薄點雪滑滑胡羊初割肪背有微凹蟹筐脫中央隱



露枯松節蝙蝠羣飛影蘸波遠山斜抹秋空月小試龍麝  
涵春滋一飽毛錐橫陣馳想應水府重文字泮妃遣伴書  
生癡錦緹髹匣何年得貴比支機贖查客晉卿鳴玉終自  
豪楚國失弓復誰責靈產近出松花江洮河磁洞難爲雙  
川嶽珍貢盛時有傳觀不到天南邦此石猶堪破寒晒助  
君雕刻令君瘦請將詩句問陽侯可許東坡名鳳味

檢書篋蠹紙得月查姪紅蕉閣月夜詩草次韻追和

二首

閣前紅蕉花閣上秋月色不見閣中人淚落方池碧乘化  
度塵劫遺文動悽惻風迴竹木聲夢失雕鐙力問天歌幾  
些誰知我心傷

仲蔚老一室子山懷小園荒穢白露滋琅玕綠雲團往日  
治蔬畦經秋生宿根吟魂或歸來悄立清輝寒汝年一何  
促汝意一何寬行跡忍復尋薜荔蔓頽垣

題黃仲則集後

一時猿鶴鉅公分少尹頭銜可稱君金榜名慳羅給事青  
樓夢覺杜司勳折除福命才何用憔悴風情世共聞早識  
巨卿真死友熱香要誓爲斯文

題黎二樵集後

賸有才名海內傳清時窮老赤明天嘔心恐落二唐後放  
手能爭五子先兒女悲歡成絕調丹青邱壑送殘年於今  
市井爭珍璧在日尋常負酒錢

明五爲侶竹畫古榕怪石亭圖屬題長歌

虎臥能蹲露尻脊蓬萊飛落何年石十圍榕木障天青根  
節輪困石一色此間結屋何盤桓石爲壁趾榕爲門萬景  
奔前攬其要孤亭聳立如雲鸞亭內主賓兩豪逸翠暎珠  
香脫身出褚公皮裏有陽秋庾統胸中無徇物寫入丹青  
略相似榕石何心得知已但教闢徑爲羊求豈必採芝學  
黃綺大富山頭雲霧開綠鬢窈窕窺金罍莫惜閉門連日  
醉人生難得住蓬萊

侶竹所居  
曰蓬萊村

消寒飲憶朴仙城東旅次

短景趨長夜高寒入遠空河南飛雪地襟上落梅風晚食  
仍騎旅深杯且禦窮同來不同醉開汝穗城東

立春日作

殘臘見春歸，春風暖到衣。  
菜香家食有，詩思草心微。  
瘠土勤占歲，閑身不厭饑。  
疑之入市去，相顧幾人肥。

小除日感賦

風雨淒酸逼歲除，萬家司命醉何如。  
鹿鳴野草思同類，不辦徐耕助賑書。

寒雨示朴仙

天南不識雪，寒雨如牛毛。  
盡日無雨聲，漫白低復高。  
微風掠溪樹，上與炊煙遭。  
饑鳥飛擇食，點點凌素濤。  
入夜轉淒淅，被酒哦離騷。  
燈靜四壁立，響枯百蟲號。  
村饑及歲晏，袖手嗟吾曹。  
遙想青雲子，獨處哀絃操。

開歲和朴仙

開歲喧初夜寒深酒正中焚香簾外雨行燭水邊風僻巷  
尋詩過閑心許我同一毛君見慣猶足倚顏紅

大霧行

溪南溪北人往還背面如隔千重山  
綢繆一氣天地合虎豹夜守門  
九關九關旌旆集靈路下士昏眸不知處  
罡風鼓轉宗動圓大瀛海水盤空  
住南紀古來無尺雪微陽出土雲胎結不聞義和鞭  
日聲桃花照酒春顏熱數椽老屋樹壓檐  
爐篆裊裊紫湘簾文章莫問陶答子  
萬斛春愁溪水添

對月贈內

寒開初見月，月上元前花。外憐相對閨中記，漸圓整鬢  
明鏡影印履，古苔煙笑問詩成。未知君爲損眠。

元夜

村深風雨屋蕭蕭，薄酒怡情弱女嬌。明月暗塵燕市飲，十  
年陳迹話今宵。

江行漫興

一雨藏春暮影深，夾江煙擁亂山沉。邨邨喬木知平世，歲  
歲閑花損壯心。白鳥想矜孤往得，綠波窺見二毛侵。竹竿  
篷艇浮家好，子美顛狂恐不禁。

老農歎

老農忍饑鋤旱田，惡少夜飲朝分錢。探丸胠篋官不問，富

家竟日停炊煙海國無警二百年杞人何事身憂天猛虎  
貪狼不擇肉老農私幸倉無穀紫鬚簿吏登堂來翁媪相  
顧顏如灰稱貸可憐質兒女羞從惡少乞餘財

大雨行

二月廿八夜

萬家苦旱生計微典庫塵積田夫衣一夜風雷起龍蟄天  
瓢倒建銀濤飛鐙火光搖短竹壁書聲雨聲堂廡窄先生  
隱几夢天遊眼底山川玉鱗白飄然顧我雲中君翠蕤青  
節香氤氳闔闔雞鳴赦臺檣揮豪爲召滄海神晶宮百寶  
非帝珍散作膏澤蘇吾民木棉花開土焦赤要使五嶺迴  
陽春嗟爾旱魃威如焚膽落霹靂精魂分躡雲霄折不敢  
語覺來身世迷處所瓦溝奔注水簾泉粉牆迸射錢塘弩

乞糝得酒占歲豐  
雨工不比善生窮  
滿地瓊酥飢饑腹  
家酣睡日升東

雨後望頂湖

綠動郊原發興新  
頂湖西望日初曛  
樹開層嶺明殘雨  
龍返雙湫捲暮雲  
往歲遊蹤詩境變  
隔江春色斧柯分  
人間福地僧高臥  
引水荒田了不聞

寄春洲

飛揚跋扈變沉深  
未絕韓蘇海外音  
身在向無知己感  
師尊今有後生心  
寒摧丹荔多風夜  
潦沒青苗半月陰  
野鶴山鳥鳴噪異  
稻梁一例苦年侵

果孫殤



義山長惜鳳雛癡驚見西風折翼時  
汝母九原依我母可能歡笑倚嬌兒

六月十九日遊飛泉寺感事作歌

長松森森崖壁整天半火雲壓松頂望雲悄立空翠間  
百折泉聲一人影桂嶺中分如剖瓜度仙橋俯青砧研  
鵝澗蜿蜒赴潭洞玉龍穩置千年家農家遭旱逋租積  
昏暮追呼山谷匿動色如披鄭俠圖關心誰辦徐耕策  
我來投石驚龍眠雨澤寄爾民之天頂湖眷屬雙湫聯  
喚吸江水澆炎煙腐儒饑乏不爾累奈此鳩形鵠面今  
顛連白衣仙人石龕坐一滴楊枝滄海大寶陀縹緲香  
霧重欲蒸旃檀咒龍塵事填胸想顛倒猛聽東閣日斜鐘

答友人

閨闈秋聲入短吟，儒冠憔悴歲華侵。  
重泉兒女他鄉夢，一往風霜寸草心。  
天地自閑人事迫，文章誰健我憂深。  
古來王謝知哀樂，絲竹平生不解音。

和梁生落葉

那得秋風恨，都隨木葉飄。  
華容年冉冉，空響夜蕭蕭。  
元亮思偏室，童烏况槁苗。  
深青窗外影，涼月戀芭蕉。

題吳梅邨詩集

復社名高海內歸，一錢不直素心非。  
生憐令伯陳烏鳥，老羨維楨得白衣。  
法曲淒涼遺史在，制詞推激昔人稀。  
江東獨步才原少，肯放西山咏采薇。

守柔齋詩鈔初集卷三

辛卯  
壬辰

高要蘇廷魁德輔著

受業何渭校  
弟廷鈞

出門

十載別長安今復萬里行  
整衣拜高堂強歡難爲情  
弱弟性真率顧我涕淚零  
病婦不出房背我悲昔嬰  
膝下誰牽衣一念百憂并  
出門屢回顧老桂亭亭青  
我僕亦有母豈謂骨肉輕  
尸甕奈饑驅貴賤皆有營  
阿咸領羣從侯我孤篷征  
隔面卽關山贈言感精誠  
丈夫四方志莫任窮愁攫  
歲華何駸駸雲路何其冥  
冥朔風送鴻雁聽是離羣聲

清遠學署訪陳雪漁

在謙

帝子讀書臺猿啼萬壑哀  
詞人今散置勝地我重來  
風暖

留脩竹齋寒對古梅明朝揮手別湖海孰論才

大廟峽

北江無緩流十里徑一折初險試中宿波勢怒將洩已過  
太平角漲沙積晴雪陡立香爐峯東江作喉舌獅子不受  
篙篙鋒猛相囓瀉荒有遺迹纍纍蜂窠綴長年督衆力錯  
迂手見血乘機一轉舵引臂百鍊鐵深青凜習坎昏黃遠  
出穴輕舸時低昂孤懷自超越前舟滇陽來疾帆飛鳥瞥

滇陽峽

桂水合滇涯斜穿萬山脇峻峽握其術帆若堅陣接披圖  
指前路未屆心已懾是時北風壯天聲卷木葉長菱仄徑  
上半腹與山貼勇欲尋丈爭步限咫尺躡險處條開曠佳

景歸涉獵鐵色石蹲熊霜華草鋪氈孤篠陰危橋烏鬼憩  
行牒笑喚賣魚來倚篷桃花頰作膾飲今夕驚魂慰出峽

波羅坑至游絲汎泊

一峯如置鼎一峯若張箕一峯束巨傘影插清江湄羣峯  
左右顧出牧羊羊嬉晚食酒正中凭窗爲解頤祝融鑄瓊  
恠盡洩天南奇紅樹掩邨墟交錯珊瑚枝峯趾散白石界  
破青琉璃水石一相激擺簸舟不支從此萬里行天馬脫  
銜羈莫騁遠路問頓忘風波時風波亦云惡遂路豈不危  
長嘯矚飛鴻落日泊游絲

英德縣懷彭東郊先生寄呈春洲

朝曦光射瀧頭水萬壑千巖抱城趾翁源山頂靈池液屈

注桃溪三十里攬勝須登煙雨樓此地曾屈唐英州孤忠

獨立韞瓊寶犧尊不數先秦留相傳峽山廟惜無好事論

遺愛倡建祠堂想公在吾鄉亦有彭先生冷宦如公急流

退先生校錄蓬萊宮金門才彥參張馮藥房魚山班香屈

豔昔未著高步今朔雲華蹤碧落洞有城西學舍連雲起

青衿廣坐春風裏亭中問字幾人存地下脩文一官止竹

石蕭清詩義堂奠得臣義兼酒狂當年彩雀兆華藻出羣

雛鳳看翱翔春洲生廣文姓字誰能說一片寒山對愁絕

長風宗懋盛年非玉骨郎君臥南雪

### 八里排遇風

頑雲互南北寒吹失昏曉大聲江上來投林落飛鳥羣山

奔搖動萬象入喧擾人憐凍蠅癡舟似春楊鼻遠遊險已  
習虛警心轉小煥室猶履冰深居亦集藂各有徇務苦自  
難達生矯安得乘日車縱觀楚天杳

舟過九成臺

韶石嵯峨夕照開遇仙橋望九成臺曲江風度東坡筆得  
遇重華不放來

樂昌大灘

樂昌六十灘茲灘爲巨壁風雷萬古忿蛟龍不敢宅我來  
子月尾潦盡灘見脊尙挾三龍流爭此五里石先聲  
勢後勁接生力灘師語約束激昂赴大敵一舟方枝楫數  
舟助噴暗屐挫氣益厲競進勞未息下灘虎驀坡上灘蟻

緣壁朔風吹暮雨並作寒威逼水宿今浹旬江梅慰行客

瀧中作

九瀧界楚粵懸險駭初見舟徑山腹行水引坤軸轉亂石  
聚魚鼈奔湍挾雷電景幽翹翹窺光驟神靈旋慄然動毛  
髮恍閱西方變崖壁少歧途來往爭一綫不容千斤載遽  
苦十夫牽失勢驚跼鷺翻身掠輕燕三朝三暮上一上一  
回戰伏波念少游昌黎懷廣殿浮名累壯志鉅觀失遐眷  
腸回路復紆叢箐雜飛霞

韓瀧謁文公祠

八代扶衰手中磨崛起時韓門無語錄孟子有問知西土  
靈難崇南州士得師狂瀾今莫挽空抱瓣香思



宜章單船

紙船鐵梢公諺語頗善譔前梢水道熟指蹤定前卻後梢  
握全勢應響儼受約左手支舵開右手挂篙落輕擲鯨人  
梭時昂海蚌殼逆風乍鷁退觸石忽魚躍短篙高低戛舷曲  
肘徑使膊湍流千百轉直赴無錯愕相持未肯讓得間遽  
先掠中艙客子占跼如蠶在箔去水不盈尺冰氣逼狐貉  
後梢顧余笑出門齊苦樂身是不怕寒但怕官差惡

月以善  
價輸官

單船  
苦役

耒陽懷龐士元

侯計山前縣曾勞國士身鳳雛能覽德驥定亦因人中策  
西川定殊恩亞相均城南祠廟在百里可棲神

杜子美墓

一代傳詩史三朝老腐儒  
亂離歸未得稷契志成迂古恨  
南雲結遺魂北極趨靴洲  
寒月上羈雁叫荒蕪

觀湘閣聽曲和蔡孝廉

顯原

錦灣漁火青濛濛市聲卷夜烏  
啼風臨江高閣奏弦管清  
音飛入琵琶峯桂郎嬌小倚明燭  
丰姿秀奪瀟湘綠騷魂  
蘭佩夢留香仙隊霓裳親授曲  
野蠶作繭絲纏綿未卽登  
場已可憐春情消得寒天雪  
旅思深添遠浦煙煙雪霏微  
度鴻影參旗光射星沙境  
長笛初停漏鼓催孤舟此別三  
途永識曲中郎意奈何他鄉萍  
水漫高歌十年重問金門  
柳南國佳人感慨多

空靈岸

湘中問靈路山腹敞神構  
浥衣雲氣重影樹日光瘦  
馴鳥歎遲迴枯僧成邂逅  
虛白心鏡澈深青佛鏡逗  
何年戲神龍穿井出巖竇

佛座下有龍井水甘冽

一勺滌塵慮千偈轉機關大

教古無生天下今在宥  
此結香火緣布金戶殷富  
循廊展清眺遠峯莽奔湊  
少陵領佳處妙語難爲後  
回帆覲賞延來者孰尋究

衡山縣遇風寄朴仙

皇華驛外朔風呼南楚  
山川展畫圖衡嶽雄吞麋  
子國湘江青入洞庭湖  
寒催殘臘人千里暖借重  
裘酒一壺自別梅花看月  
滿平安書已到家無

長沙旅懷

枯樹霜明點點鴉  
楚天寥碧望長沙  
南船風掠昭潭出  
西郭雲開嶽麓斜  
太傅文章憂漢室  
藩王池苑問誰家  
熊湘閣上登臨客  
今古蒼茫入鬢華

除夕

守歲銅官渚  
羈愁入夜多  
勁風翻積雪  
巨舸砭驚波  
獨醉長沙酒  
誰傳越客歌  
男兒非刺促  
壯志竟如何

下水遣興

春早客行遲  
春波淨綠漪  
日明山寺路  
風裊船旗物  
候東南異山川  
屈宋遺少陵  
棲泊處遊鱖  
寄遐思

宿清溝

鴉噪清澗樹帆檣帖帖停人聲屯小市籠燭亂繁星夢入  
江湖白春交草木青明朝沽酒去期醉獨醒亭

嘉魚縣赤壁

曉趁東風使帆過赤壁前登壇思少將征路送華年一笑  
長江去三分故壘傳黃州詩酒會游戲玉堂仙

北風

行路難如許春晴又北風聲迴洞庭野愁落楚王宮高浪  
能滔日長隄欲走虹圖南鵬變化鷗鷺自匆匆

岳陽樓用杜韻

子美題詩後東南重此樓我來春雪霽身與碧雲浮湖勢  
無全楚帆聲有萬舟憑欄一長嘯今古接風流

登黃鶴樓

一聲長笛倚斜暉樓上江風振客衣多少神仙名不著白雲黃鶴任天飛

武昌城

殘雪帶樓臺江城曉日開昔人乘鶴去今我食魚來南郭新栽柳西山未落梅坡公遊迹在客思渺難裁

漢口後湖

碧草黃沙雨後春廣場百歲日翻新顏垣破徑俱歌院賸與流民結四鄰

雙橋鎮

徑跨長虹過蒼茫夕照迷羣山環楚北一水入淮西市小

車聲聚年豐飯價低征途經雪後行色笑栖栖

牛牽車

觀音巖前沙路濶小車陷沙如陷雪前推後挽氣欲絕沙  
面汗滴心頭血農家領牛水畔來乞牛牽車僕告哀長繩  
駕輓腳不動鞭影一掠奔晴雷沙路已盡山路開車輪鐵  
落牛蹄摧平時芻牧主恩惠有力莫肯齊鴛鴦甘里崎嶇  
辰至午牛乎汝爲征夫苦呼僮給直放牛歸昨日忍寒今  
日饑

馬鄉早發

野店無酣睡晨征尾正中堅冰嘶過馬殘月度歸鴻汝水  
南流緩神州北顧雄欲尋唐宋迹徒侶各匆匆

蘭陽渡河

落日渡黃河，河聲萬弩過。  
冰開春浪長，風起暮帆多。  
險岸分屯埽，荒田入派科。  
蘭儀城不見，柴壩巨坡陀。

途中口號

車碾黃塵浣客襟，中原寒盡日陰陰。  
麥田三百春如許，花柳青紅不上心。

宛城遇雨寄朴仙

野色曉娟娟，春遊思渺然。  
重雲連朔漠，一雨似南天。  
桃李芳園酒，琴書上峽船。  
雅懷吾不與，驅馬踏寒煙。

魯仲連臺

戰國推豪傑，師儒有孟荀。  
仲連成別調，太白愛斯人。  
東海



清風絕聊城古意新賈生年尚少慷慨論函秦

瀛王臺

豹死留皮人留名瀛王德望懋老兵四代恩榮敘長樂玩  
世乃學東方生能誦夷中古詩句救時宰相隆知遇大節  
何因少主乖小心幸免勳臣妒藁榻模糊過客看太師知  
是誰家官神仙高臥聖人出遺魄倘恨攀龍難免園冊子  
果何物五季干戈賤經術桑相不投冰炭腸廬陵始舊春  
秋筆癡頑老子儘婆婆高臺草木春光多丈夫許國身如  
此其謂王家烈婦何

趙北口

趙北燕南畫本開平沙細草水雲堆十三橋柳藏春色青

向行人馬首來

入都門車上口號

十年不踏軟紅塵  
放眼重看萬里春  
紫陌香風來上苑  
玉泉靈氣接天津  
游僊可有攀龍客  
入市應多相馬人  
媿我西山相識舊  
梅花國裏苦吟身

題鄭大就泉磨劍圖

日躔鶉火天不雨  
風卷桑乾作隼土  
一片家山入夢  
青梅將書劍隨  
羈旅鄭君逸致  
冥秋鴻躡雲時  
訪安期蹤滴水  
巖邊坐空翠且  
脫佩劍何雍容  
百鍊光寒照泉  
碧潛蛟畏影欲  
移宅漫同賈島  
十年磨未遇張  
華鱗人識六街  
踏遍槐花黃遙  
望白雲思故鄉  
八排狐兔方跳  
梁匣中鬱鬱龍

身藏手彈長鋏欲歸去妖氛一掃鋒如霜久溷風塵竟何  
事眼前蕭爽游仙地出世殊乖小草心防身好歛長虹氣  
剪燭題詩蟬夜鳴忽聞雷動天瓢傾米珠薪桂知無補想  
到湟谿要洗兵時久旱得雨八  
排搖匪未靖

東溫陶舟

閩闔西風動曉寒奈君多病客長安詩家爭薄窮郊島得  
見昌黎薦士難

郭同年

鍾熙

屬題松陰垂釣圖

秋風謾謾波光綠境幽不到紅塵足是誰把釣坐盤陀氣  
壓蛟龍抱珠伏熟視一笑同年生焉此身手當干城三晉  
山河話遊跡抵掌便作雷霆聲自華補亡志千古低首春

官寸心苦縱能痛飲讀離騷何處狂歌學漁父車馬輪蹄  
又一時一畝風景夢中思謫仙倘見成絲鬢莫道投竿也  
未遲

楊校錄

維屏

同寓玉極庵出燕臺鴻爪集索題傷春

傷別刻意不減杜司勳世有玉溪生固當爲斯文  
興感梁昭明以閒情一賦疵淵明謂亡是可也豈  
其然乎楊五試京兆皆被黜殆有託而逃者

南風手妙響朱絃目送飛鴻興渺然燕市交遊論古調秋  
心搖落待誰傳旗亭小史霏霏玉佛院昏鴉點點煙一樣  
閒愁入海潤無端拚集詩絲邊

都門對月作

明月萬里隨人來，天南地北心同開。  
九衢簫鼓鬧佳節，五雲樓閣誰仙才。  
居到長安客何有，雕蟲篆刻不離手。  
遙對西山淺淡妝，一杯勸爾中秋酒。  
神京作鎮萬古青，氣象奪我詩崢嶸。  
山靈幾閱奕棋局，歷劫賸得金臺名。  
郭君往矣來者生，清霜點鬢羞無成。  
故園今夕話遊子，誰與追歡飲燕市。  
客行雖樂亦思家，想得中庭桂已花。  
天上人間影相倚，不須露下咏棲鴉。

九日黑窰廠登高寄春洲

春風吹我長安來，秋風又送重陽杯。  
黃花綠鬢影相媚，一醉忽忽登窰臺。  
寒雲蕭瑟古今哀，王文簡句漁洋山人安在哉。  
三關九塞極天杳，對此欲賦慙非才。  
城南車馬紅塵起，矯

若羣龍逐流水鎮日能閒有幾人青眼高歌我誰是向傳  
薊北黃金多壯志禁得輪蹄磨蓬萊可望不可到東指碧  
海蒙兜羅回首西山抱斜景菰蒲夾道歸鞍靜繫繫柏下  
古歡場世短意多爲誰警樊籠久脫思淵明蓬廬空視時  
運傾寄書欲問東籬菊朔雁南飛天宇清

送張大漪塘

春明楊柳變秋聲偏爲行人縮別情秦晉山川燕趙酒壯  
遊還足快平生

贈別楊梭錄之湖南

七閩形勝福州王右旗左鼓雄相向楊家德祖方盛年奇  
情更出青山上平生不解事干謁居對白雲白怡悅

楊有雲悅

山房集  
長安市上醉相逢  
舌底轟雷眼如月  
黃河遠上詩有聲  
酒豪才傑人皆驚  
明珠抵鵲那惜寶  
肺腑要爲知音傾  
落魄天涯只如此  
滔滔歲月桑乾水  
銅式難傳快馬錦  
繚易屈新鷹技  
行將別我湖南去  
欲問靈均遠遊處  
九秋風朗岳陽樓  
一片霜紅洞庭樹  
離騷景物供搜羅  
文章絕調愁邊多  
勸君酣飲長沙酒  
莫學王郎斫地歌

出都留別諸游舊

一醉辭燕市風塵撲馬鞍  
西山無限意留與故人看

道上書所見

骨肉流離手一車  
饑啼翻怒小兒譁  
頻年蠲賑多恩詔  
猶見哀鴻未有家

趕站

渴馬奔蹄赴井泉，車迎斜照坐青氍。  
野人自覺清涼甚，楊柳陰濃席草眠。

瓜渚守風

欲醉江南酒，將乘江北潮。  
柳陰連日泊，瓜渚颶風驕。  
天水相吞吐，金篋莽動搖。  
片雲傳雨意，晴快約來朝。

雨泊閩門

悄聽孤舟雨，能迴萬里心。  
寒山鐘不到，笠澤意何深。  
把釣慙真隱，啼烏奈苦吟。  
姑蘇城下水，十載託知音。

玉山夜

對嶺纖纖月，當樓面面風。  
水喧春舍外，人倚笛聲中。  
北望



常依斗南行信轉蓬夜涼眠正穩怯見曉光紅

湖曉

水宿先鷗起湖光欲曉天殘星迎月落遠嶂劃雲懸人辨  
荆吳語帆交上下船浪遊凌浩蕩何似客幽燕

豐城行

何年吳國埋雙龍付與雷令張司空豈知神物應時出誅  
邪戡亂俱無功我來訪古豐城下風色江聲逼初夜北宸  
山頂斗牛懸紫氣銷殘月波瀉平吳之後妖祲生南風煽  
虐危神京倒持太阿馬羣鬪天寶不救三台傾國家梁棟  
人才立求劍何如求士急君不見豫章太守重三君郡治  
高懸徐穉榻

酬謝孝廉朱衣

南北頻來往，勞生不自謀。  
故鄉殘月夢，涼枕贛江秋。  
潦急知魚困，村饑代吏憂。  
腐儒成底事，飄泊一虛舟。

贛州夜發謝孝廉同作

征路看牛女，推篷薄醉時。  
微風添水韻，新月弄秋姿。  
不寐青山對，含情白鷺知。  
元暉多逸興，隱霧若爲期。

連州江口阻雨聞廣州人談水災愴然成詠

天似饑民面，含愁慘不開。  
江漂風拔木，舟臥雨餘苔。  
龍戶無完屋，魚頭雜劫灰。  
連州兵罷後，又報水成災。

守柔齋詩鈔初集卷四

丙申

高要蘇廷魁德輔著

受業郭汝康校

西湖雜詠

丙申冬告假歸親始遊西湖尋歷名勝省憶舊聞漫成百首胎諸同好

遊徧金焦及惠山虎邱乘興叩禪關歸裝欲載西湖去喜  
在東坡管領間

漸隔紅塵見碧城靈禽學得步虛聲天風忽捲松濤過疑  
踏金鼇背上行

野草山花媚晚冬溪迴澗折石玲瓏陰陰蒼雪衣邊落一  
字門穿九里松

跼銜萼放白雲間萬疊眞山肖假山憑仗梵王龍象力不  
教飛去伴僧閒

慧業人來地亦靈遊山先問客兒亭何須佞佛方成佛卻

解繙經不受經

靈隱有夢謝亭一名客兒亭又有謝公繙經臺

海日江湖壯觀誇琳宮湧出老龍家香林五百阿羅漢幾度乘雲接

翠華

竹作牆籬水繞門園林無禁幾家村黃橙綠橘年年熟拋上峯頭餉老猿

奇境奔迎句易裁淋漓濡筆且徘徊禪房不忍汗牆粉留與空明待月來

貴戚名王愛冷泉神仙並入畫圖傳曲江春盡楊花落枉作冰山倚雪天

香積樹中石鈎風僧汀迹漫摩挲西窗事發君知不佛  
力安能救議和

東南物力漸艱難比歲隄工走大官能灑楊枝退潮水海

塘應築炬師壇洪武初海潮衝岸壞民廬舍靈隱僧慧炬  
爲潮神說三皈戒楊枝灑處卽止不崩時

稱炬  
菩薩

鸞嶺長懸無盡燈有人摩頂識徐陵逢迎漫學支離叟不

是于公恐不勝于忠肅彌月時蘭公摩其頂曰  
此救時宰相也蘭自號支離叟

寶網金幢耀上方山夔木客識君房旅遊今覺無滋味不

得胡僧大棗嘗

招得三生石上魂臨風賞月老禪門思親夢落哀松梵孝

子應須表李源

瑞像莊嚴百寶光  
慈雲法雨被錢塘  
至今雙檜峯前路  
列肆緣山只賣香

安石東山志未酬  
西峯迢遞入林幽  
白雲明月忘空色不

礙高僧挾妓遊

天竺僧嗣珍政和間構精舍於西峯嘗自  
比謝傳東山語人曰吾以白雲明月爲二

妓空色兩忘  
何忝安石哉

南宮北使幾經過  
駿馬貂裘意氣多  
相值松林先避道  
恐妨孤鶴警前呵

葛嶺朝陽露翠微  
平章舊第草離離  
從容養樂園中日  
息

卒木棉菴裏時

吳山一路好樓臺  
南宋經營付劫灰  
八萬四千吳越塔  
猶

餘保俶報恩來

南嶽北嶽排作門前湖後湖規作園種得名花三萬樹長

邀明月共清樽

君復名齊魏仲先鳳麟芝草太平年妻梅子鶴隣修竹恐  
住蓬萊無此仙

青螺一點水中央處士風微野徑荒

聖祖愛才遺老出雲峯四照煥

天章

不隨劍壘屬黃星天地長留漢壽亭指盡輿圖二萬里更

無原廟比英靈

孤山關帝廟有漢壽亭侯玉印一枚白質黑章瓦紐中有一穴細紋如錦一面刻漢

壽亭侯印一面刻侯諱

水閣松房味寂寥遠光深影託逍遙何人得似張公子金

翠叢中繪斷橋斷橋以張祐孤山寺題句得名有作段家橋者誤蘇杭常閩間名刹多祐題詠縹流

賴其標榜者多矣

帘標龍井雨前茶真個茶香似豆花欲得謙師三昧手攜餅就近訪僧家

畫舫笙歌寂不聞斷橋疎柳挂斜曛探梅欲向西溪路一

角秦亭入暮雲

金陵曾看牡丹還花市蓬廬老可閒湖上不知埋玉處吟

魂來往定孤山

西湖花市張光弼隱居處明太祖嘗徵至京師憫其老曰可間矣遣還因自號可閒

老人有春日詩云一陣東風一陣寒芭蕉長過石欄杆只消幾度鶯鶯醉看到春光到牡丹

賣酒人稱五柳家門前綠水漾金沙敗荷殘菊難娛客天

竹嬌紅子當花



雨枝樹古檜身分父子精忠婦孺聞霞嶺桃花春二月遊  
人多在鄂王墳

東南財賦水雲鄉遺愛紛紛說宋唐誰似天人經國手湖  
山今日享賢王

天寒路遠獨歸遲竹外逢僧欲賦詩借問孤山山上寺阿  
誰風調繼勤思

金沙隄外水悠悠煙抹殘荷似晚秋驚起鴛鴦飛一處夕  
陽紅溼趁漁舟

西冷橋畔日斜時了鬢能歌次仲詞正欲汎湖風色惡菰

蒲蕭瑟水參差

石次仲西湖多麗  
一曲見稱於詞品

老鐵多情唱竹枝變風猶得晚唐遺斷橋無柱船無柁可

是滄桑以後詩

桃花得氣美人中題向西冷語最工可惜虞山無勁草晚  
香輸與柳河東

淡掃蛾眉粉黛無西施真態筆難摹當年劉過清狂甚一  
騎乘風跨兩湖

檀心玉頰委蒼苔放鶴亭邊有落梅人愛西陵松柏好孤

山誰訪菊香來林和靖墓傍相傳有七女菊香墳今不可考菊香好林詩死葬其側可謂所憑者淨矣

風流太守戀餘杭一別西湖欲斷腸猶見中唐人意厚不  
拈詩酒入彈章

紫府官階事渺茫六橋花柳是甘棠棲神只合湖中地秋

菊寒泉處處香

春渚紀聞述莫蒙夢遇東坡於西湖叅從數人在前蒙問先生今何所領先生曰某

今爲紫府押衙因引東坡海外  
夢韓魏公事以實之語頗誕妄

新亭淚盡枕戈休上下恬嬉選勝遊若問承平真氣象夢

梁錄似夢華不

孟元老著夢華錄載汴京故事吳自牧著夢梁錄載南渡留都故事

管領湖山有偉人軍門增勝祀花神長紅小白東風裏三

百樓臺一色春

狡獪神通老鍊師仙官安用保文爲道園風骨高元代姓

字終須上帝知

西湖遊覽志載虞伯生爲土神撰保文神降乩稱謝

水涸西湖墮大星三台山上血埋青當年費盡擎天力今

日猶傳禱夢靈

濠濮閒情出梵居放生池水碧涵虛倩誰題卻蟠溪畫龍

戶無供使宅魚

春遊無處不繁華解事興夫向客誇何似蘇隄逢老衲輕  
風小槩出蘆花

未得勾留喜乍逢恍然前世賸遊蹤從橫轉側山多態朝  
暮陰晴水變容

泉石蕭清孝子廬壑菴名勝足幽居攀蘿直上仙人洞更  
向琴臺訪米書壑菴在南屏山下郡人汪之萼廬菴處上  
有仙人洞洞上琴臺爲米元章書字徑三  
尺

靈源鏡澈見鬚眉雙井遙分六一支瀉地水銀收不住波  
瀾幻出在銘詞鄭清之淨慈寺雙井記文  
述工六一泉見東坡集

何分蔬筍與腥膻爛漫天真自證禪愚俗空誇神運井濟

師原是酒中仙

斜陽絢爛裏雷峯孤塔頽唐兀醉翁絕代丹青應袖手白  
蓮洲畔水翻紅

南山古洞鎖煙霞十八金仙共一家細讀君謨舊題句霏  
霏溜雨灑藤花

龍泓清介虎跑和不厭遊人灌濯多戲掬浪花還撫掌此  
泉風味似東坡

樓臺天半俯漣漪對此高寒佇月宜斗憶瀛洲鴛鴦侶昆  
明池上看冰嬉

煙澹疎林噪晚鴉朱樓碧檻是誰家荒園滿種花交榮雪  
後風寒未著花

杭人呼黃矮  
菜爲花交榮

窄窄細裙短袂三三五五下湖樓冬前顧繡新添價齊  
向鹽橋拜蔣侯

天目真人應運生江東才子舊知名討梁一策非難用自  
古臨安怕議兵

羅剎江頭八月濤吳兒跳盪浪花高二千犀弩俱神勇白  
馬東歸避錦袍

吳越江山指顧中海門鼉立領朝宗曾無謝眺驚人句不  
敢留題第一峯

老僧迎笑下苔階誤認江東賈客來坐久不離山水話指  
從梅閣看花開

得月樓前辟劍池洞元雷法伏神龜排山健筆懸河口夢

對羅浮月上時

三一卷有白玉蟾遺跡

邂逅名山有夙緣病來登陟未能便五雲深處雲棲塢留待吾家老朴仙

南塢西峯露窟時尋僧靈石和仙詩岳陽三過無人識又

踏紅塵到劍池

靈石寺屋椽上倒書六言絕句相傳爲呂翁筆

紫翠橫山白鶴飛歸雲容與晚鐘遲西湖到底寒猶媚想見琴孃入道時

能改齋漫錄載坡公與琴操參禪事

薩翁遊迹兩山多一杖敲雲絕處過除卻老猿攀不到至

今珠玉滿巖阿

南北兩山間多薩直齋遺墨

不待招邀不費錢閒雲野鶴共周旋矜奇頗笑鍾狂客每

個山頭住一年

浮沈避世貫酸齋敏捷詩才語近諧花草閑情拋未得棲

雲何處問仙階

酸齋名雲石元學士棄官隱居錢塘有兩妾曰洞花幽草見七修類稿

四百梅花二百松一林丹桂擁青峯約齋心在光明藏何

事安禪制毒

龍張功父捨宅爲寺有南湖北園玉照堂蒼寒堂諸勝功父自爲記

禦寒惟有荻花毬不屑談禪混俗流玩月浮盤終夜坐青

蓮標格政黃牛

僧惟政字渙然居功臣山出入常跨一黃牛世稱爲政黃牛

漲墨浮煙一點無芙蓉峯主得驪珠千巖萬壑胸中有莫

認西湖是鑑湖

劉青田集有題玉澗西湖圖詩玉澗名若芬又號芙蓉峯主

平野風吹一點香梅花如雪映迴塘無錢買得江南畫收

拾西湖入錦囊

恬退有如胡子正簡嚴還重李知幾宋朝杭郡多良牧南



渡猶能駐六飛

堅踰五柞異雙桐  
端木移栽德壽宮  
保護盤松如保國  
不容蟻蠹亂江東

少章高節比忠宣  
未得優游葛嶺邊  
憑弔白龜池畔影  
曾餐冰雪十三年

珠兜銀甲換宮粧  
小隊褰旗出教場  
借問麒麟高閣上  
蛾眉曾否畫章梁

銷金不惜事般遊  
竟把杭州作汴州  
賴有直臣張巨濟  
西湖從此罷龍舟

芝曾寄紫陽  
居六籍翻成偽學書  
天下蒼生盡蘇息  
何妨飽食裹湖魚

霧豹冥鴻杳莫尋  
高山流水幾知音  
誠齋一管生花筆  
肯作韓門兩水心

建議移都智略深  
辛臣不察濟時心  
龍川一集無迂語  
何意編君理學林

麴院芙蓉入酒香  
當時官釀費平章  
椒花雨勝金盤露  
孰與唐翁共品詳

臨安燈色妙江南  
遺製猶傳供佛龕  
老卻英雄姜白石  
吟隨簫鼓向三潭

暗香疎影度新聲  
盲雪垂虹寄豔情  
聞道馬塍花藥好  
幾人攜酒醉先生

到處摻羅入社詩  
卻憐坡老不同時  
西湖亦有廬山遠  
一

辦還須祝淨師

月地雲階春夢殘梨花帶雨淚闌干衛娘度曲滕郎醉聚

景園荒翠袖寒

滕穆與南宋宮人衛芳華幽會見樂府記聞

月照長橋復短橋香魂蕩漾未曾銷嫦娥只解隨圓缺杜

宇聲聲恨浙潮

斷腸一集怨千春瓦巷人家說淑真數盡懨懨春夜雨小

詩詞調更酸辛

書樓不許貴人登貞白先生冷似冰供奉遺文同舍利可

憐高足是高僧

不教豪右據湖田寒鐵錚錚氣凜然南海雙珠光不滅龐

公新法一條鞭

周巡按新龐中丞尚鵬皆南海人

人頌海陽吳道夫堰名復古利西湖報功應等周巡接曾  
享寒泉一盞無

世相俱空一筆勾沈郎伉儷證眞修竹窗清曠蓮池寂且  
放三泉自在流

畫眉殘筆記名山叅罷慈師五乳還若把修微齊妙淨都

隨春夢入禪關

王修微號草衣道人見列朝詩集  
張妙淨號自然道人見名媛詩歸

山水因緣翰墨場相遭淡泊味偏長春風秋月楊公濟百

詠如薰百和香

寶石尋常瑞石奇一邱一壑自相宜雲根倘入網船真豈

獨天南歎荔支

浙西才傑向來多星海尋源始見河記取徐公廉訪日一

時弦調換笙歌

西湖書院始建於徐養齋

名花分得杏檀枝香滿餘杭使越時狐貉緼袍同意氣風

光長占柳洲祠

柳洲二賢詞舊名子貢使越祠仲裔居杭者請於大吏並祀子路顏光敷爲之記祠

在湧金門

外瀕湖

點綴湖山百態新玉輝珠媚頌

南巡太平物色今如舊已過乾隆四十春

萬象搜來下筆難敢追前輩上騷壇自經

奎藻留題後玉宇瓊樓不覺寒

梓澤蘭亭幾變遷故家喬木尚依然山房賸得漁洋記不

減藏書小輞川

天然圖畫出荆關古剎名園恣往還從此一生無惡夢

中惟有此湖山

身在蓬萊也欲歸  
草心長白戀春暉  
浮家泛宅非吾事  
欲畫西湖當綠衣

望海曾登乍浦樓  
觀潮又宿浙江頭  
好奇偏有方思道  
勒

取新詩訂後遊

湖州方君重巽同遊酌酒催詩嚴於刻  
詩成遽錄稿持去雪泥鴻爪一任造物去

留耳邂逅適願如方君者亦豈易得耶